

Na osnovu člana 21. stav 2. Zakona o taksi prevozu u Kantonu Sarajevo ("Službene novine Kantona Sarajevo", br. 11/14, 26/14, 14/16 i 1/16 - Ispravka) i člana 26. i 28. stav 2. Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14), Vlada Kantona Sarajevo, na 47. sjednici održanoj 30.06.2016. godine, donijela je

## **ODLUKU**

### **O VISINI UPLATE MINIMALNOG DIJELA MJESEČNE OBAVEZE PO SPORAZUMU O PLAĆANJU DUGA ZA JAVNE PRIHODE**

#### **I (Predmet)**

Ovom odlukom se utvrđuje minimalni mjesečni iznos koji je dužan uplatiti taksi prijevoznik za produženje dopunske taksi oznake, a koji obaveze javnih prihoda vrši na osnovu potpisanog sporazuma sa Poreznom upravom o načinu izmirenja obaveza po osnovu ranije nastalog duga za javne prihode.

#### **II (Visina minimalnog dijela obaveza po sporazumu)**

Visina minimalnog dijela mjesečnih obaveza po sporazumu za izdavanje dopunske taksi oznake utvrđuje se u zavisnosti od visine ukupnog neizmirenog duga.

Visina duga za koji je potpisan sporazum sa Poreskom upravom o plaćanju na rate	Visina minimalnog mjesečnog dijela rate koji je potrebno da uplati taksi prijevoznik
do 10.000,00 KM	Potrebno je izmirivati obaveze po sporazumu
od 10.001,00 KM do 20.000,00 KM	180,00 KM
od 20.001,00 KM do 40.000,00 KM	360,00 KM
od 40.001,00 KM do 60.000,00 KM	540,00 KM
od 60.001,00 KM do 70.000,00 KM	600,00 KM
od 70.001,00 KM	Potrebno je uplaćivati minimalno 70% rate iz sporazuma

#### **III (Podnošenje zahtjeva za dopunsku taksi oznaku)**

Taksi prijevoznik zahtjev za izdavanje dopunske taksi oznake za svako pojedinačno taksi vozilo podnosi Ministarstvu saobraćaja Kantona Sarajevo (u daljem tekstu: Ministarstvo) u skladu sa Zakonom o taksi prevozu u Kantonu Sarajevo ("Službene novine Kantona Sarajevo", br. 11/14, 26/14, 14/16 i 1/16 - Ispravka).

#### **IV (Izmjene i dopune Odluke)**

Ministarstvo prati i analizira primjenu ove odluke i u slučaju potrebe može predložiti Vladi da izvršiti izmjenu i dopunu Odluke.

**V (Završne odredbe)**

Ova Odluka stupa na snagu danom donošenja i objaviće se u "Službenim novinama Kantona Sarajevo".

02-05-21955-10/16  
30. juna 2016. godine  
Sarajevo

Premijer  
**Elmedin Konaković, s. r.**